

ხელშეკრულება № 01 / 14 / 145
სახელმწიფო შესყიდვის შესახებ
(კონსოლიდირებული ტენდერი CON160000046)

თბილისი

06 ოქტომბერი, 2016 წ.

საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი შესყიდვების სამსახურის უფროსის, ვახტანგ შავგულიძის სახით და შპს „თეგეტა მოტორსი“ შემდგომში წოდებული „მიმწოდებლად“, წარმოდგენილი დირექტორის, თემურ კობოძის სახით, ორივე ერთად წოდებული როგორც „მხარეები“, ვმოქმედებთ რა სახელმწიფო შესყიდვების მარეგულირებელი საქართველოს კანონმდებლობის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.

1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.

1.3 „დღე“, „კვირა“, „თვე“ – კალენდარული დღე, კვირა, თვე.

1.4 „შემსყიდველი“ – ორგანიზაცია, რომელიც ახორციელებს შესყიდვას.

1.5 „მიმწოდებელი“ – პირი, რომელიც ახორციელებს საქონლის მიწოდებას ამ ხელშეკრულების ფარგლებში.

1.6 „საქონელი“ – ხელშეკრულების მე-2 მუხლით გათვალისწინებული საქონელი.

1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

2.1 ხელშეკრულების საგანია მცირე ტვირთამწეობის მანქანების საბურავების და მათი მიწოდების თანმდევი მომსახურების (CPV-34351000) შესყიდვა.

2.2 შესასყიდი საბურავების საიდენტიფიკაციო მონაცემები, ტექნიკური მახასიათებლები განისაზღვრება ფასთა ცხრილით (დანართი №1), რომელიც წარმოადგენს ხელშეკრულების განუყოფელ ნაწილს.

3. ხელშეკრულების ღირებულება

3.1 ხელშეკრულების ღირებულება განისაზღვრება ფასთა ცხრილის (დანართი №1) შესაბამისად და შეადგენს 384.00 (სამასოთხმოცდაოთხი) ლარს.

3.2 ხელშეკრულების ღირებულება მოიცავს, როგორც საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, დღგ-ს ჩათვლით.

4. მხარეთა ვალდებულებები

4.1. მიმწოდებელი ვალდებულია:

ა) მიაწოდოს შემსყიდველს ფასთა ცხრილით (დანართი №1) განსაზღვრული საიდენტიფიკაციო მონაცემებისა და ტექნიკური მახასიათებლების მქონე, 8 ცალი საბურავი და შემსყიდველის ავტომატურად მოახდინოს მათი მონტაჟი (ბალანსირებით) შემდეგ მისამართზე: ქ.თბილისი, დ.აღმაშენებლის ხეივანი მე-12კმ. №5) 2016 წლის 1 ნოემბრიდან 2016 წლის 10 დეკემბრის ჩათვლით პერიოდის განმავლობაში, ეტაპობრივად ან ერთიანად, შემსყიდველის მოთხოვნის შესაბამისად, შესაბამისი მოთხოვნიდან 3 სამუშაო დღეში;

ბ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ მოახდინოს რეაგირება და უზრუნველყოს აღმოჩენილი ხარვეზების გამოსწორება ხელშეკრულების პირობების შესაბამისად;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) უზრუნველყოს ინსპექტირების განხორციელება;

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. გარანტია

5.1 წინამდებარე ხელშეკრულების საფუძველზე შესყიდულ საბურავებზე ვრცელდება გარანტია, რომლის მოქმედების პერიოდი განისაზღვრება არანაკლებ 50000 კილომეტრი გარბენით.

5.2 საგარანტიო პერიოდის განმავლობაში შესყიდული პროდუქციის ექსპლუატაციისას, ექსპლუატაციის ნორმების დაცვის პირობებში, საბურავმა არ უნდა მიიღოს დეფორმაცია, საბურავის სამუხრუჭე მანძილი არ უნდა იწვევდეს საფრთხის შექმნას მგზავრებისათვის, საბურავმა არ უნდა გამოავლინოს ისეთი დეფექტები, რომელიც ხელს შეუშლის ტრანსპორტის ნორმალურ ექსპლუატაციას ან საფრთხეს შეუქმნის მგზავრების უსაფრთხოებას

5.3 საგარანტიო პერიოდის განმავლობაში 5.2 პუნქტში მითითებული დეფექტების ან სხვა ქარხნული წუნის გამოვლენის გამოვლენის შემთხვევაში, მიმწოდებელი ვალდებულია, შეტყობინების მიღებიდან 5 (ხუთი) დღეში განახორციელოს წუნდებული საქონლის საკუთარი ხარჯებით ახლით შეცვლა შემსყიდველის მხრიდან რაიმე დამატებითი დანახარჯების გაწევის გარეშე.

5.4 მიმწოდებლის მიერ 5.3 პუნქტში მითითებული ვალდებულების შეუსრულებლობის შემთხვევაში შემსყიდველს უფლება აქვს საკუთარი ხარჯებით აღმოფხვრას დეფექტები – შეცვალოს წუნდებული საქონელი და მოსთხოვოს მიმწოდებელს შესაბამისი ხარჯების ანაზღაურება.

6. ინსპექტირება

6.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.

6.2 ინსპექტირებას განახორციელებს შემსყიდველი ორგანიზაციის სამეურნეო სამსახურის შესაბამისად უფლებამოსილი თანამშრომელი.

6.3 შემსყიდველის მიერ ინსპექტირება განხორციელდება ხელშეკრულების შესრულების ნებისმიერ ეტაპზე.

6.4 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს მიწოდებული საქონლის ხარისხის და ტექნიკური კონტროლი და თუ აღმოჩნდება წუნდებული საქონელი, მიმწოდებელი ვალდებულია დაუყოვნებლივ საკუთარი ხარჯებით უზრუნველყოს აღმოჩენილი წუნდებული საქონლის ახლით შეცვლა.

7. საქონლის მიღება-ჩაბარების წესი

საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება საქონლის მიწოდების შემდეგ, წერილობითი ფორმით, – მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

8. ანგარიშსწორება

8.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

გ) დაფინანსების წყარო: საჯარო რეესტრის ეროვნული სააგენტოს 2016 წლის საკუთარი შემოსავლებით მიღებული სახსრები.

13. ხელშეკრულების შეწყვეტა

13.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის მისი ხელმოწერის დღიდან და მოქმედებს 2017 წლის 31 იანვრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამ, თანაბარი იურიდიული ძალის მქონე, ეგზემპლარად, ქართულ ენაზე; აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

17. მხარეთა რეკვიზიტები

შემსყიდველი

საჯარო რეესტრის ეროვნული სააგენტო,
წარმოდგენილი შესყიდვების სამსახურის უფროსის,
ვახტანგ შავგულიძის სახით,
მისამართი: ქ. თბილისი, წმინდა ნიკოლოზის/ნ. ჩხეიძის
ქ. №2
საბანკო რეკვიზიტები: ანგ. ხაზინის ერთიანი ანგარიში,
ანგ. №GE24NB0330100200165022
სახაზინო კოდი: TRESGE22
ს/კ – 202238621

მიმწოდებელი

შპს „თეგეტა მოტორსი“,
წარმოდგენილი გენერალური დირექტორის
თემურ კოხომის სახით,
მისამართი: ქ. თბილისი, დ. აღმაშენებლის ხეივანი მე-12 კმ. #5
საბანკო რეკვიზიტები: ანგ. №GE80TB0600000024467853,
სს „საქართველოს ბანკი“, კოდი: BAGAGE22,
ს/კ – 202177205

ვახტანგ შავგულიძე

თემურ კოხომე

ფასების ცხრილი

სეზონი	საბურავების ბრენდი	საბურავის მოდელი	ბრენდის წარმოშობის ქვეყანა	საბურავის ზომა	ერთეულის ფასი ლარებში დღგ-ს ჩათვლით	რაოდენობა	ჯამური ღირებულება ლარებში დღგ-ს ჩათვლით	დამზადების წელი	ავტომანქანა, რომელზეც უნდა განხორციელდეს მისაწოდებელი საბურავების მონტაჟი
ზამთარი	Rotalla	S210	ჩინეთი	R-17 225/50	96.00 ლარი	4 ცალი	384.00 ლარი	არაუადრეს 2015 წლისა	Toyota camry სახელმწიფო ნომრით: SQ-440-QS

საბურავების ფასი მოიცავს მათი მონტაჟისა და ბალანსირების ღირებულებას

საჯარო რეესტრის ეროვნული სააგენტო,
წარმოდგენილი შესყიდვების სამსახურის უფროსის,
ვახტანგ შვეფელიძის სახით,
მისამართი: ქ. თბილისი, სახაგაროს ქ. №2.
ს/კ - 202238621

შპს „თეგეტა მოტორსი“,
წარმოდგენილი გენერალური დირექტორის
თემურ კობოძის სახით,
მისამართი: ქ. თბილისი, დ. აღმაშენებლის ხეივანი მე-12 კმ. #5
ს/კ - 202177205



თემურ კობოძე